



UPA2016/101  
Michael Rosing

**Uunga siunnersuut: Inatsisartut inatsisaat nr. xx ulloq xx. xxx 2016 uumassusillit sananeqaataasigut kingornuttagaasunik isumalluutit tamatumunngalu atatillugu suliniutit pillugit.**

(Inuussutissarsiornermut, Suliffeqarnermut Niuernermit Nunanullu Allanut Naalakkersuisoq)  
(Siullermeernera)

Kalaallit Nunaanni uummassusillit sananeqaataasigut kingornuttagaasunik isumalluutit atorneqartarnissaannut inatsit nutaaq naliginnaasumik pitsaasutut isigaarput immikkoortumi paasiuminarnerusumik inatsiseqalermat.

Isumaqarpugut aamma pitsaasoq uumassusillit assigiinngiiaartut pillugit isumaqatigiisummi kiisalu Nagoyaprotokollimi tunngaaviit aallaavigineqarmata.

Taamaakkaluartorli inatsisip ilaanut tassunga nalornissuteqarpugut.

Tusarniaanermut atatillugu akissutini oqaatigineqareersutut, siunissami ilisimatuut ataatsikkut ilisimatusarnissamut atuinissamullu qinnuteqartalissapput. Tamanna malunnartumik pitsanngoriaataavoq ilisimatuussutsikkut inernernik naggataatigut niueruteqarusuttunut. Kisianni ilisimatuut tamarmik taamaattoqarnissaa kissaatigineq ajorpaat. Taamaattumik isumaqarpugut pisariinnerusumik qinnuteqarnermi periuseqartoqartariaqaraluartoq, ilisimatuut ilisimatusarnissaq kisiat pillugu tunngaviusumik ilisimatusarusuttut akikitsumik pisariitsumillu qinnuteqartarsinnaaqullugit.

Taamaattumik ersarissumik nassuiaqqarput suna pineqarnersoq oqartoqartillugu pisarneq malillugu ilisimasat aamma nunap inuii.

Taamatut oqaaseqarluta Demokraatiniit Siumumiillu siunnersuut Inatsisinik Atortitsinermit Ataatsimiititaliami oqallisigineqassasoq innersuupparput.